

Ordinaziun davart la procedura tier elecziuns dil plevon

Sebasond sin art. 13 cefr. 1 dalla constituziun dalla Baselgia catolica dil Grischun e sin art. 2 al. 7 dalla cunvegnientscha denter igl Uestg da Cuera e la Baselgia catolica dil Grischun dils 4 da settember 1979, relaschada dil Corpus catholicum ils 20 da november 1979

Art. 1 Cumpetenzza dalla radunonza da pleiv

Ei schal tenor art. 22 cefr. 1 dalla constituziun dalla Baselgia cantunala ed ella rama dalla cunvegnientscha denter igl Uestg e la Baselgia catolica dil Grischun dils 4 da settember 1979 ella cumpetenzza dalla radunonza da pleiv da tschentar si prescripziuns pertuccont la procedura della pleiv tier l'occupaziun d'uffecis parochials.

Art. 2 Normas ligiontas

Las normas cuntenidas els art. 3, 4, 5 al. 2 e 6 al. 1 che suonan ein ligiontas e san buca vegnir midadas dallas pleivs.

Art. 3 Votaziun

¹ Il plevon, plevon-rector ed il caplon ni provisor vegnan eligi dalla pleiv entras scrutini.

² La votaziun sur dalla elecziun dil plevon sto vegnir publicada silmeins 10 dis avon cun aschunscher il num dil candidat che vegn en elecziun.

³ En mintga cass san ins votar mo sur dad in candidat e mo sur da quel che la suprastanza da pleiv propona en accordanza cun igl Uestg.

⁴ Ella votaziun eis ei da far la damonda, tgi che vegli eleger NN sco plevon, la quala ei da risponder cun Gie ni Na.

⁵ Ina elecziun vala sco reussida, sche il diember dils Gies survarga quel dils Nas (pli absolut dils votants).

Art. 4 Pleiv cun plirs circuits da pastoraziun

Cumpeggia ina pleiv pliras parochias ni sesanflan lien circuits separai da pastoraziun sut la direcziun d'in plevon-rector ni d'in caplon, han tier ina elecziun da plevon mo quels parochians il dretg da votar, ils quals han il domicil ella parochia ni el circuit da pastoraziun, en il qual igl uffeci parochial ei d'occupar da niev.

Art. 5 In plevon per pliras pleivs

¹ Per l'elecziun d'in plevon che ha da pastorar pliras pleivs eis ci da menar atras en mintga pleiv, aschi el medem temps sco pusseivel, mintgamai ina radunonza d'elecziun separada, priu ora il cass che tuttas suprastonzas da pleiv mondien d'accord cun ina radunonza comunabla da tuttas pleivs pertuccadas.

² Per il reussir dalla elecziun vaia en scadin cass il resultat total che sedat ord la summa dils Gies e dils Nas da tut las pleivs.

Art. 6 Collaboraziun dil cussegl pastoral

¹ Nua ch'ei exista in cussegl pastoral sto quel silmeins vegnir tedlaus enteifer la procedura d'elecziun.

² La radunonza da pleiv sa incaricar ina cumissiun speciala, che secumpona da commembers dalla suprastonza dalla pleiv e dil cussegl pastoral, da menar cun igl Uestg las tractativas pertuccont l'elecziun e da far la proposta alla radunonza da pleiv. Sche ins renunzia da crear ina tala cumissiun e sch'ei vegn buca decidiu davart ina outra cooperaziun dil cussegl pastoral, vala al. 1 sco regulament remplazzont.

Art. 7 Entrada en vigur

Questa ordinaziun va en vigur igl 1 da schaner 1980.